



XVI. Auentiure.



vnther vnt Hagene, die rechen vil balt,
lobten mit vntriwen, ein pirsen inden walt,
mit ir scharpfen geren, si wolden iagn swin,
pern vnt wifende, was mohte kuners gesin.



Da mite reit och Sivrit, in vrolichem site.
herrenliche spise, die furte man in mite.
zeinem kalten brunnen, namens im den lip.
daz het geraten Prunhilt, des kunic Guntheres wip.

Do gie der degene chvne, da er Chriemhilde vant.
ez was nu vf gesvmet, sin edel pirsgevant.
vnt ander der gefellen, si wolden vber Rin.
done dorste Chriemhilde, leider nimmer gesin.


Die sinen trotinne, die chuster an den mont.
got laze mich dich frowe, gesehn noch gesvnt.
vnt mich div dinen ovgen, mit holden magen din.
solto kurcewilen, ine mar hie heime niht gesin.

Do gedahtes an div märe, sine torst ir niht gefagen.
da von si Hagen e' vragte, do begunde klagen.
div edele kuniginne, daz si ie gewan den lip.
do weinte ane mase, des kunen Sivrides wip.

Si sprach zu dem rechen, lat iwer iagen sin.
mir trovnte hinte leide, wie ich zwei wildiv fwin.
iagent vber heide, da wrden blumen rot.
daz ich so fere weine, daz twot mir armem wibe not.

Da forhte ich herre Sivrit, eteslichen rat.
ob man der deheinen, missdedienet hat.
die vns gefogen chunnen, eteslichen haz.
belibet herre Sivrit, mit triwen rate ich iw das.

Er sprach liebv frowe, ich chum in kurcen tagn.
ine weiz hie niht der uinde, die vns iht hazes tragen.
alle dine mage, sint mir gemeine holt.
ovch enhan ich an den degenen, hie niht anders verscholt.



Neyna herre Sivrit. ia vurht ich dinen val.
mir troumte hinte leide. wie ob dir zetel.
vielen zwene berge. ich ensach dich nimmer me.
wiltu nu mir scheiden. daz toot mir innekliche we.

Er umbe vie mit armen. daz tugende riche wip.
mit minneklichen chuffen. trovot er ir schonen lip.
mit vrloube er dannen. schiet in churcer stunt.
fine gefach in leider. dar nach nimmer mer gesont.


Do riten si von dannen. ineinen walt.
durch kurcwele willen. vil manic degem balt.
riten mit dem wirt. man fort ouch mit in dan.
vil der edeln spise. die di helede solden han.

Geladen vil der roffe. chom vor in vber Rin.
die den iegeren trogen. brot vnt win.
vleise vnt nische. vnt anders manigen rat.
den ein konic so riche. harte billechin hat.

Sie hieszen herbergen. for den grunen walt.
da si da iagn solden. † vñ einen wert vil breit.
do chom der herre Sivrit. daz wart dem kunige geseit.

Von den iagt gesellen. wrden gar bestan.
die warte an allen enden. do sprach der chune man.
Sivrit der stanche. wer sol vns durch den walt.
wissen vor den bergen. ir rechen chven vnt balt.

Da muosen wir vns scheiden. sprach do Hagene.
e daz wir beginnen. hie ze iagene.
da bi wir bechennen. ich unt der herre min.
wer die besten iagere. an dirre walt reise sin.



Swot vnt och gehvende, wir suln teilen gar.
so cher ieslicher, swar er gerne var.
der danne iage das beste, des sage man im danch,
do wart ir biten, niht zen herbergen lanch.

Do sprach der herre Sivrit, ich han der honde rat.
niwan einen brachen, der so genozzen hat.
das er die verte erchemme, der there durch den tan,
do schof der kunie Gunther, zwo zim den er wolde han.


Do nam er einen iäger meister, einen goten spvchunt.
er brahte den herren, in einer kurzen stunt.
da si vil there funden, swaz der von legere stont.
die er iageten die gesellen, so noh gute iägere tont.


Swaz ir der brache ersprancte, die sluoc mit finer hant.
Sivrit der vil chvene, der helt v; Niderlant.
sin roff das liof so sere, das ir im niht entran.
das lop an dem geiägede, er vor in allen da gewan.

Er was an allen dingen, biderbe genwoch.
sin there was das erste, das er zetode sluoch.
ein vil starchez halpfwol, mit der finen hant.
dar nach er harte schiere, einen grimmen lewen vant.

Do der wart ersprenget, den schoz er mit dem bogen.
eine scharpfe stralen, het er dar in gezogen.
der lewe lief nach dem schuzze, wan drier sprunge lanch.
die finen iagt gesellen, die sagten Sivride danch.

Dar nach sloger schiere, einen wisent vnt elch.
starcher vore viere, unt einen grimmen schelch.
sin rofs trvg in so balde, das ir im niht entran.
hitz oder hinden, chund im wenic iht engan.





Einen ebyr grozen, den sach der spurehant,
als er begunde vlichen, do chom an der stont,
des selben geiägedes meister, der bestunt in vf der sla,
das swin vil zornikliche, lief an den chunen rechen sa.

Do slog in mit dem swerte, der Chriemhilde man,
ez hete ein ander iägere, so sanfte niht getan,
do er in het ervellet, man die den spurehant,
do wart sin iagt das riche, wol den Suregonden kunt.


Do sprachen sine iägere, mages mit hulden wesn,
so lat uns herre Sivrit, der tyer ein teil genesn,
ir toot uns hiote läre, den berch unt oveh den walt,
des begunde smielen, der degn chune vnt balt.


Do hortens allenthalben, ludem unt doz,
von loten vnt oveh von hunden, der schal was so gros,
das in da von antworte, berge vnt oveh der tan,
vier vnt drizzelch roore, die iägere heten verlan.

Do wose vil der there, verliesen da das lebn,
do wanden si das svegen, das man in moste geben,
den pris an dem geiägede, des enchunde niht geschehn,
do der starche Sivrit, wart zer viwer stete gefehn.

Das pirsen was ergangen, vnt idoch niht gar,
die zem viwer wolden, di brahten mit in dar,
vil maniger hande there, vnt wildes genvoeh,
hey was man des zer chuchen, des kuniges ingesinde trvoeh.

Do hiez der kunic künden, den iägern vz erchorn,
das er enbizen wolde, do wart vil loot ein horn,
zeiner stunt geblasen, da mit in wart erchant,
das man den fursten edele, da zen herbergen vant.





Ein Siwrides iägere. sprach ich han vernomen.
von eines hornes duzze. daz wir nu suln chomen.
zu den herbergen. antworten ich des wil.
do wart nach den iägeren. gevraget blasende vil.

Do sprach der herre Siwrit. nu vromen oveh wir den tan.
sin ros daz truogin ebene. si ilten mit im dan.
si ersprancten mit ir scalle. ein tyer vil gremilich.
daz was ein ber wilde. do sprach der degn hinder sich.


Welt ir uns hergefellen. kurcewile wern.
den brachen sult ir lazzen. ia sih ich einen bern.
der sol zen herbergen. mit uns himmen varn.
swie vbel er gebare. ern chan sihs nimmer bewarn.

Der brache wart verlazen. der ber sprach von dan.
do wolde in erriten. der Chriemhilde man.
er chom in ein gevelle. done chundes niht wesn.
daz starche tyer do wande. vor dem iägere genesn.

Do sprach von sinem roffe. der stolze ritter goot.
er begunde laufen fere. daz there was vnbehvot.
ez enchunde im niht entrinnen. do vienger ez zehant.
ane allerflachte wunden. der helt ez schiere gebant.

Chrazzen noch gebizen. chundes niht den man.
er bandez zu dem fatele. gewalteklichen dan.
braht erz an die firstat. durch sinen hohen mvot.
zeiner kurcewile. der reche kvene vnt goot.

Wie rehte weigerliche. er zen herbergen reit.
sin gere was vil michel. starch vnt breit.
im hienge ein starches waffen. nider an den sporn.
von vil rotem golde. forter ein herliches horn.



Von bezerm biers gewäte. gehört ir nie gesagen.
einen roch von swarzem pfellel. den sah man in tragen.
unt einen hvot von zobele. der riche was genvoch.
hej was er goter porten. an sinem chochäre trvoch.

Ein hvot von einem pantel. dar vber was gezogn.
durch richteite vnt durch sweze. ovch forter einen bogh.
den man ziehen moße. mit antwerche dan.
der in spannen solde. ern hete iz selbe getan.


Von einer lodemes hute. was alles sin gewant.
von hovpte vnz an das ende. gestreute man droße vant.
vz der liechten roße. vil manic goldes zein.
zebeiden sinen siten. dem kuonin iäger meister schein.


Ovch furter Palmvngen. ein ziere wafen breit.
so starch unt ovch so scherpfse. wie vreislich ez sneit.
swa man ez slooch vf helme. sin ecke warn gvot.
der hereliche iäger. der was vil hohgemvot.

Sit das ich ivch der märe. gar bescheiden sol.
im was sin gvot chocher. vil gvoter stralen vol.
mit guldinen tullen. div sahß wol spannen breit.
ez moße bald ersterbn. swaz er mit schiezen versneit.

Do reit der ritter edele. vil weidenlichen dan.
in sahen zwo zin chumende. die Gunthers man.
si liefen im engegene. vnt enpfiengen im das march.
do forter bi dem fatele. einen bern groz vnt starch.

Als er gestvnt von roffe. do lofter im div bant.
von frezen vnt von munde. do erlutte da zehant.
vil groze das gehunde. swaz des den bern sach.
das tjer ze walde wolde. die lute heten vngemach.





Der ber von dem schalle, durch die chuchen geriet,
hey was er chuchen knechte, von dem fivre schiet,
vil chezzil wart gevret, zersvoret manic brant,
hey was man goter spise, in der aschen ligen vant.

Do sprungen von dem sedele, die herren vnt ir man,
der ber begunde zornen, der kunic hiez do lan,
alles das gehunde, das an seilen lach,
wâr iz wol verendet, si heten vrolichen tach.


Mit bogen vnt mit spiezen, niht langer man das lie,
do liefen dar die snellen, da der ber gie,
so vil was der hunde, das da niemen schoz,
von dem grozen schalle, beidiv berch vnt walt erdoz.

Der ber begunde vlihen, vor den hunden dan,
im enchunde niht gevolgen, wan Chriemhilde man,
der erliefen mit dem swerte, zetode er in do flvoch,
hin wider zu der chuochen, man den bern sîder trvoch.

Do sprachen die das sahen, er wâr ein chrestic man,
die stozen iagt gefellen, hiez man zen tischen gan,
vf einen schonen anger, saz ir da genvoc,
was man do richer spise, den iagt gefellen dar tvoc.

Die schenchen chomen seine, die tragen solden win,
ez enchunde baz gedienet, nimmer heleden sin,
heten si dar vnder, niht so valschen mvot,
so wâren wol die degene, vor allen schanden behvot.

Done hete niht der sinne, der chuene veige man,
das er sich ir untriwe, chunde han verstan,
er was inganzen tugenden, alles valsches bloz,
sinf sterbes mvose engelten, sit der sin nie niht genoz.



Do sprach der herre Sivrit. wnder mich des hat.
sit man vns von der chuchen. git so manigen rat.
durch was uns die schenchen. bringen niht den win.
man enpflege baz der iägere. ine wil niht iagt gefelle sin.

Ich hete wol gedienet. daz man min näme war.
der chunic ob dem tische. sprach in valsche dar.
man solz io gerne buzen. swes wir gebresten han.
wir sin von Hagene schulde. hivot ane trinchen bestan.


Do sprach der von Tronege. vil lieber herre min.
ich wande daz diz pirsen. hivot solde sin.
da zem Spehtsharte. den win den sande ich dar.
sin wir hie ungetrunchen. wie wol ihz immer mer bewar.

Do sprach der herre Sivrit. ir lip der habe vndanc.
man solde mir siben saume. win und luttertranc.
habn her gefuoret. do des niht mohte sin.
do solde man vns naher. han gesidelt an den kin.

Do sprach aber Hagene. ir edeln ritter balt.
ich weiz hie vil nahen. einen brunnen der ist chalt.
daz ir niht enzurnet. da soln wir hine gan.
der rat wart manigem degene. ze grozen sorgen getan.

Den helt von Niderlanden. dwanch des durstes not.
den tische er deste ziter. ruchen dan gebot.
er wolde for die berge. zu dem brunnen gan.
do was der rat mit meine. von den degenen getan.

Div tyer man hiez of wägenen. fveren indaz lant.
div da verhowen hete. div Sivrides hant.
man iah im grozer eren. swer ez ie gesach.
Gunther sine triwe. vafte an Sivride brach.



Do si dannen wolden, zo der linden breit.
do sprach aber Hagene, mir ist dicke daz geseit.
daz niht gevolgen chunne, dem Chriemhilde man.
swenner wolde gahen, hej wolde vns daz sehn lan.

Do sprach von Niderlanden, der herre Sivrit,
ir moht ez wol versuchen, welt ir mir lofsen mite.
ze wette zo dem brunnen, so daz si getan,
der sol han gewinnen, den man siht zovorderst stan.


No welle och wirz versochen, sprach Hagene der degn.
do sprach der starche Sivrit, so wil ich mich legn.
for die iwern fröse, nider an daz gras,
do Gunther daz gehorte, hej wie lieb im daz was.

Do sprach der degn chvne, ich wil in märe sagn.
alles min gewäte, wil ich an mir tragn.
den ger zo dem schilte, vnt al min pirsgevant,
den chocher zo dem swerte, vil sehier er umbe gebant.

Do zogen si diu chleider, von dem libe dan.
in zwein wizen hemedem, sach man si beide stan.
sam zwi wildiv pantel, sie liefen durch den kle.
doch sah man bi dem brunnen, den snellen Sivriden e'.

Den pris an allen dingen, troger vor manigem man.
daz swert er loste balde, den chocher leit er dan.
sinen ger den starchen, leinter an der linden ast.
bi des brunnen vlozse, stunt der herliche gast.

Di Sivrides tugende, warn harte gros.
den schilt leit er nider, al da der brunne vloz.
swie harte so in durste, der helt doch niene tranch.
e' daz der kunic chöme, daz dohte Sivriden lanch.



Der brunne was vil chvele, lutter vnt goot.
Gunther sich do legete, nider zu der floot.
daz wazzer mit dem munde, er von der flwote nam.
si gedahten daz ovch Sivrit, nach im wofese twon alsam.

Do engalt er finer zehete, den bogen vnt daz swert.
daz irvog alles Hagene, von im dane wert.
do spranger hin widere, da er den ger da vant.
er sach nach eime cruce, an des kuniges gewant.

Da der herre Sivrit, ob dem brunnen franch,
er schoz in durch daz chruce, daz v3 der wunden spranc.
daz blot im von dem hercen, an die Hagenen wat.
so groze missewende, ein helt nu nimmer mer begat.

Den ger gegen dem hercen, stechen er im lie.
also angeftlichen, zeflohten Hagene nie.
gelief noch inder werlde, vor decheinem man.
do sich der herre Sivrit, der starchen wunden versan.

Der reche tobliche, von dem brunnen spranch,
im ragete von dem hercen, ein gerstange lanch.
der furste wande vinden, bogen oder swert.
so wofe wofu Hagene, nach sine dienste gewert.

Do der fere wude, des swertes niht envant,
done het et er niht mere, wan des schildes rant.
den zuyter von dem brunnen, do lief er Hagenen an.
done chunde im niht entrinnen, der vil vngetriwe man.

Swie vnt er was zem tode, so chresteklich er flooc.
daz v3er dem schilde, drate genvoc.
des edeln gesteines, der schilt vil gar zebraft.
sich hete gerne errochen, der vil herlich gast.



Hagene muose vallen. von seiner hant zetal.
von des slages chrefte. der wert vil lute erhal.
het er das swert enhende. so wär ez Hagenen tot.
der helt entran vil chome. v3 der angeflliche not.

Sin chraft was im gefwichen. ern kunde niht gestan.
sines libes sterche. diu muose gar zergan.
wander des todes zeichen. bi lichter varwe truoc.
sit wart er beweinet. von schoenen vrowen genvoc.


Do uel indie blvomen. der Chriemhilde man.
das blvot von sinen wunden. sach man vaste gan.
do begunder schelten. des twanch in michel not.
die vf in geraten heten. den ungetriwen tot.

Do sprach der fere wunde. ia ir vil bose zagn.
was hilfet mich min dieneft. das ir mich habt erflagen.
ich was ir ie getriwe. des ich engolten han.
ir habt an iuern magen. leider vbel getan.

Die sint da von bescholten. swas ir wirt geborn.
her nach disen ziten. ia habt ir iuern zorn.
vil vbele gerochen. an dem libe min.
mit laster ir gefcheiden. solt von guten rechen sin.

Die lute liefen alle. da er reflagen lac.
ez was ir genvgen. ein frevdeloser tac.
die iht triwe heten. von den wart er bekleit.
das het wol gedienet. der ritter chven vnt gemeit.

Der kunie von Burgonden. klagete sinen tot.
do sprach der verch wunde. das ist ane not.
das der nach schaden weinet. der in da hat getan.
der dienit michel schelten. ez wäre bezzet verlan.



Do sprach der grimme Hagene. iane weis ich was er kleit.
es hat nu alles ende. vnser forge vnt vnser leit.
wir vinden ir vil kleine. die turren vns bestan.
wol mich deich finer herschaft. han zerate getan.

Ir muogt ioch lihte rvemen. sprach do Sivrit.
het ich an ir erchennet. den mortlichen sit.
ich hete wol behalten. vor ir minen lip.
mich enriwet niht so fere. so frov Chriemhilt min wip.

Nu muose got erbarmen. deich ie gewan den sin.
dem solch itewisen. sol nach den ziten tuon.
daz finer mage iemen. mit morde habn erslagn.
moht ich so sprach Sivrit. daz solt ich billiche klagn.

Zer werlde wart nie mere. grozer mort began.
sprach er zu dem kunige. denne an mir ist getan.
ich behielt ir lib vnt ere. in angeftlicher not.
ich hans engolten fere. daz ihz ir ie so wol erbot.

Do sprach vil seneliche. der verch wnde man.
welt ir kunic riche. triwen iht began.
in der werlt an iemen. lat ir bevolhen sin.
vff triwe unt vff genade. die lieben truttinne min.


Vnt lat si des geniezen. daz si ir swester si.
durch aller fursten togende. wont ir mit triwen bi.
mir muosen warten lange. min vater vnt mine man.
es enwart nie frowen mere. an frivnde leider getan.

Er rampf sich bitterliche. als im diu not gebot.
vnt sprach do iamirliche. der mortlich tot.
mag ioch wol geriwen. her nach disen tagen.
gelovbt an rehten triwen. daz ir ioch selben habt erslagn.

Die blumen allenthalben. von bloote warn naz,
do ranger mit dem tode. vnlange tet er das.
wande in des todes wafen. al zefere sneit.
do mohte reden niht mere. der reche chven unt gemeit.



Do die herren sahen. daz der helt was tot.
si leiten in of einen schilt. der was von golde rot.
vnt wrden des zerate. wie das solde ergan.
daz man iz verhele. daz iz het Hagene getan.



Do sprachen ir genvoge. vns ist vbele geschehn.
ir sult ez heln alle. vnt sult geliche iehn.
da er rite iagn eine. der Chriemhilde man.
in slugen schachäre. da er fore durch den tan.

Do sprach der ungetriwe. ich foren in das lant.
mir ist vil vnmäre. vnt wirt ez ir bechant.
diu so hat getrubet. miner frowen mvot.
ez ahtet mih vil ringe. swaz si weinens getvot.

Von dem selben brunnen. da Sivrit wart erlagen.
sult ir diu rehten märe. von mir hörn sagn.
vor dem Otenthalde. ein dorf lit Otenthalim.
da vliuset noch der brunne. des ist zwifel dehein.

